

Guangjsih Minzcuz Bau

ganhhau: CN45-0036 B.2019 Nd.5 Ng.8 liggaueq geijhah nienz ndwenseiq coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3373期

Dunghlanz Yen Doicaenh Hong Cauhlaeb "Dieg Guhyiengh Song Vah Huzndei Daengx Guek" Cingzcik Yienhda

Bi 2018, Guekgya Minzveij, Gyauyuzbu dingh Hozciz Si Dunghlanz Yen Vujcon Cin baenz aen dieg guhyiengh aenmbanj(segih) song vah huzndei buek daihngaih daengx guek 9 aen ndawde aen ndeu. Bi lai doxdaeuj, Dunghlanz Yen gig yawjnaek, caen ca caen guh, doenggvaq son'gyauq, doeksaed cwngecwz, hozdung lai yiengh daengj banhfap, roengzrengz doicaenh hong cauhaeb "dieg guhyiengh song vah huzndei daengx guek", aeundaiej cingzcik yienhda.

It dwg banh son'gyauq, daezsang roxyiuj, daezswng naengzlig. Bi lai doxdaeuj, gonqlaeng banh aen ban son'gyauq ganbu cizgunh hag Sawcuengh, aen ban son'gyauq vnzlai eu fwen, gungh miz 200 lai boux ganbu ginzcong caeuqfaenh hag. Doengzseiz, giethab hong cinjcing banggunz seizneix, Dunghlanz Yen lij haenqrengz haiguh hong banggunz vahgangj, banh le "aen

ban yungh Cuengh Gun song vah son'gyauq gohgi" "aen ban yungh song vah son'gyauq dinfwngz 'muengx-doxlienz + dajciengx gaeqnohndaem' " daengj aen ban son'gyauq dinfwngz ndei yungh, yungh Vahcuengh bonjdieg sonhag, ginzcong dingq ndaej rox, hag ndaej vaiq, geiq ndaej maenh, bang-rengz ginzcong vut gungz, doidoengh ginghei hwngfat.

Ngeih dwg doeksaed cwngecwz, cau'ok heiqaenh, coicaenh nyinh-doengz. Doicaenh doeksaed gij cwngecwz sawvah minzcuz, baiz gak danhvei Dunghlanz Yen Vujcon Cin, baiz-geiqhauh cwngecwz daihding daengj, baizdazyinx roenloh, baizmingzdeih 13 aen mbanj henzgyawj Vujcon Cin, dieggingj lijyouz Laeuzgveizsingh daengj cungj yungh Cuengh Gun song cungj saw. Linghvaih, dajcauh "diuzgai Cuengh Gun song vah", guh 22 gaiq baizgeiqhauh hung hongrog miz Cuengh

Gun song cungj saw, gujli caeuq haeujcoengh bouqdiemq henz gai ciubaiz yungh Cuengh Gun song cungj saw.

Sam dwg hozdung lai, daezswng yaugoj, gyalai yingyangj. Gonqlaeng banh le aen hoih yienjciengq go Vahcuengh coux ciengmoq bi 2018, aen vanjvei yienjheiq coux ndwencieng song vah huzndei daengj, mboujduenh gyalai yingyangj; doicaenh sonhag Cuengh Gun song vah caeuq son'gyauq vnzva minzcuz dox giethab, youq Vujcon Cin Gyanghbingz Siujyoz caeuq Vujcon Cin Cungsim Siujyoz hai dangzgoq Sawcuengh Vahcuengh, ndaej daengz hagseng, lauxsae caeuq bohranz haenggyaez; fanhoiz loegguh denyngj 《Ak Lo, Aen Guek Raeuz》 banj Vahcuengh Dunghlanz, soengqlaex laebdangj 97 hopbi, ndaej daengz bouxyawj haenh.

(Lanz Gwngjdwng)



Sanhgyangh:

Fungcingz Lai Yiengh
Yinx Hek Daeuj

Mboengq ngoenzgyaj "haj it", Sanhgyangh Dungcuw Swciyen haenqrengz guh ndei fugsah, guh ndei fungcingz, gak dieggingj roengzsim guh cezmuz lai yiengh guh ceiz, caij din venz, gwn ngaizhumx daengj, langhbaiz gij minzcuz fungcingz Mbanjdung nyuenz miz neix, yinx ndaej bouxhek gak dieg daeuj yawjngonz, angqyangz gvaq ngoenzciet. Ndaw doz dwg bouxhek sawq guh ceiz.

(Gungb Bujangh/龚普康)

Ningzmingz Yen Yungh Ciet Bofwen Guh Bingzdaiz, Swnjcienz Vwnzva Minzcuz

Bineix liggaueq mboengq ndwen-ngeih ndwensam, haujlai aenmbanj henzguek Ningzmingz Yen banh le ciet bofwen cienzdoengj, lumjbaenz liggaueq ndwengeih coseiq ciet bofwen Aiden Cin Nazdangz Cunh Mbanjvangyingh, liggaueq ndwensam cibloeg ciet bofwen Dungmenz Cin Banjan Cunh, liggaueq ndwensam ngeihcib ciet bofwen Cilang Yangh Baidaiz Cunh daengj, doeng-gvaq yungh ciet bofwen guh bingzdaiz, swnjcienz vwnzva minzcuz.

Mboengq haenx, gak mbanj guh doiq fwen, bengcag, ep bya, youq gyang raemx gaemh bit, gvaq giuzfouz, yienj fouxgvangcangz, senhconz gak loh cwngecwz roxnaeuz hangznib, comz yienjheiq, guhcaemz caeuq gag ring doxgaiq daengj hozdung vwnzva guh-angq lai cungj lai yiengh, yinx ndaej vnzlai mbanj henzgyawj caeuq yanghcin henzgyawj, lijimiz bouxhek ndaw guek rog guek daeuj yawjngonz, guhcaemz.

Cwngfuj dangdieg daiq vnzlai baengh ngoenzciet minzcuz cienz-doengj, baengh dieg ndei henzguek, swyenz swhyenz lai, haenqrengz senhconz caeuq langhbaiz gij yinxdaeuz vwnzva daegbied bonjdieg, hawj engq lai vnz roxyiuj giyndei henzguek, giyndei swhyenz, ciu canghseng'eiq yinx ngaenzcienz, coicaenh gak minzcuz caezcaemh doxgiet buekguh, caezcaemh hoenghvuengh hwngfat.

(Sinh Gyahbingz)

SIUSIK DINJ

● Ndwen 4 ngoenz 29 daengz ndwen 5 ngoenz 2, Nazboh Yen banh aen hozdung minzsuz vwnzva henzguek "sam nyied sam Bouxcuengh • gai funglouz Nazboh" bi 2019 Nazboh Yen nem gaiq daihcibseiq Yinznanz Gvangjsih haj yienh(si) bien'gyaiq vwnzva doxgyau hozdung, Cung-guek Yeznanz vwnzva doxgyau hozdung, yinx ndaej haujlai bouxhek daeuj yawjngonz.

(Yiz Vujgyangz)

● Mboengqneix, Dwz-bauj Yen Cwngzgvanh Cin cujciz doih yienjheiq segih youq Fanghsanh Vwnzdij Gunghyenz guh comz yienjheiq, aen cawjdaez dwg "bingzan hwnjguh, dwkcawz bangvunz simnduk", cezmuz miz go-foux, siujbinj, Heiquengh daengj, gyoengq bouxyienj yienj ndaej ndei yawj, ndaej vnzlai haenh, hawj vnzlai doiq dwkcawz bangvunz simnduk miz roxyiuj moq.

(Yenz Swngyouj)

● Ndwen 5 ngoenz 2 daengz ngoenz 4, Cingsih Si Anhdwz Cin Gaianhdwz banh ciet hawfwen cienz-doengj "ndwensam ngeihbet" nem ciet yisuz vwnzva minzsuz dieggaeuq "nanzdenh". Baez hozdung neix miz yienjheiq, doiq fwen, gaeq doxdoj, lanziuz doxdax daengj, yinx ndaej haujlai vnz bae yawjngonz youzset.

(Maz Yez)

● Bineix doxdaeuj, Lingzyinz Yen haenqrengz saedhengz aen canloz saenqhwnj lajmbanj, laebdaeb guh diuzcingj nungz-yez canjniab gezgou, gyalai gij ligdoh cinjcing banggunz, cinjcing vut gungz gunggeng, gyavaiq hwngfat deihfueng daegsaek canjniab, ginghei lajmbanj cangqheiq hwngfat, bang-rengz vnz lajmbanj souhaeuj onjdingh gyalai. Ciug gyoebseueng, bi 2019 ndwen 1 daengz ndwen 3, vnz lajmbanj Lingzyinz Yen bingzyaenz souhaeuj ceiboq ndaej dwg 1961 maenz, doengzbeij demlai 8.3%.

(Vangz Binh)